

龍魏大中左光斗李應昇等並蒙聖諭分別褒恤臣謹採
論鄒元標高攀龍趙南星宜謚李邦華孫鼎相姚希孟錢謙
益許譽卿吳姓侯恂劉芳孫必顯鄒維連徐大相華允誠劉
宗周孫慎行文震孟耿如杞宜起用周順昌魏大中家徒四
壁宜贍給章下所司
已未御史周昌晉言欲除海寇必先除內地之奸宄又責潮
漳副總兵協救漳泉從之

庚申侯世祿為鎮朔將軍總兵鎮守宣府

太監李永貞劉若愚李實下獄永貞初粗通文墨為司札監秉
筆導虐李實往蘇杭織造誣劾周起元周順昌等若愚博洽

典故每永貞每諮問之俱為言官所劾

兵科給事中宋鳴梧請內外官久任至召對薦舉並做世廟
西內當直之法通政司限字並做宋人貼黃之法會典宜重
修丘濬大學衍義宜刪補上嘉納之

三月壬戌朔熊膏為右副都御史巡撫南贛汀韶熊文燦為右
僉都御史巡撫福建耿如杞為右副都御史巡撫山西

起王永光為戶部尚書王在晉為刑部尚書高周祚為南京
兵部尚書周延儒為禮部右侍郎

高弘圖為太僕寺卿添註

癸亥札科給事中閻可陞言媚璫諸臣李蕃建三祠李精白

建西祠迎像真定呼九千歲毛一鷺建祠於應天姚宗英
翼明建祠於湖廣天同朱童蒙建祠于延綏用琉璃瓦劉詒
建祠於薊鎮冕旒金像吳淳夫建祠於臨清毀民萬舍祠河
南斥民居萬七十間祠江西斥海臺滅明祠又鄒元標馮吾
之理學楊漣之節義沈惟炳劉懋皆力救楊漣尚淹其故事
余復何望哉命召沈惟炳劉懋等

甲子延綏巡撫岳和聲言鎮餉京運歲額四十三萬三千七
百三十九金四川協濟歲額四萬金今歷欠百五十餘萬以
套虜言之吉能物故諸子幼弱酋婦以罕同空名統屬之是
以干見罵炒計旂牌等酋自天啟五年背盟入犯又款虜市

賞兵部欠馬價八千三百六十金今春何抵乞以陝西新餉
一十六萬給延綏抵解遼餉章下所司

禁漳泉販海

乙丑天行皇帝發引己巳葬德陵

丙寅御史羅元賓言揆地盈列相業宜光自葉向高以來陰
陽閃爍彼此彌縫骨鯁之風微養癰不顧今結轍可更積威
所劫如票擬張凌雲陳大同之侵欺科臣郭吳治請算明而
曰不必苛求閩撫失事聽其規避寬張體乾田爾耕之罪此
專擅行私之漸也焉用彼相哉

戊辰前巡撫順天右都御史單明詡工部侍郎何宗聖張文

郁削籍前吏部尚書周應秋革職閑住以吏科郎給事中紀
昭乘劾其媚璫躐進也

諭近來誥勅繁稱過情殊為非体今後撰擬不由詞臣繕寫
不由中書者俱按駁從中書舍人李不代之請
御史吳煥言五事清軍餉汰冗吏覈循良懲貪墨減加派上
是之

密雲卒乏餉而鬻事聞命給之

許章奏如古貼黃法節其要粘進著為令大學士李國楫言
之

李國楫上十事屬必為之志務典學之益執總覽之要廣聽

納之方謹內侍之漸崇節儉之德覈職掌之實精用人之術
恤下民之苦循久任之法上大是之

補章允儒等五人給事中喬承詔等十五人御史

巡撫遼東右僉都御史畢自肅言邊事曰審布置之法三方
並建毛鎮居東寧鎮居西登鎮居中共為聲援聞旅順去南
四衛甚近險阻可馮若令登鎮以全力移守相地據險收集
遼民為屯牧進取之基復責寧鎮協力並舉恢復河東曰明
戰守之法徧箱車重大難進溝壑惟田車為便若得千餘輛
驟引之無事轉輸有事列營外列拒馬木布置槍砲內藏精
騎逐北曰慎沿邊之防章下部覆命行之

兵科左給事中李應生免給事中顏繼祖言先帝時稟擬不
歸閣臣連繫俱出中旨長安噴有繁言魯生明目張膽謂
不從中出而誰出甚創執中為帝宅中為王之說事強附會
長忠賢矯誣之惡天啟五年七月既枚卜云詞林循資拾級
人人覬覦焉得真才而用之且老成云者成即為老於識
非老於年蓋陰為馮銓地也丁卯典試湖廣試錄後序堯唐
頗僻謂屈悲宋謹安所用之人云據所欲言朝上而夕報可
亦小臣呼吸上通帝座之驗已明取旨如寄不敬莫大焉命
部議也己削籍明年遣戍
大孝士施鳳來張瑞圖並免行人護行賜金幣廩役

兵部尚書閻鳴泰免明年遣戍

己巳以錢謙益為詹事

兵科給事中楊時化論高平知縣喬淳貪虐下臺獄

壬申援遼總兵毛文龍奏建州遣可孤山馬秀才等五人
至皮島求款

癸酉盜焚劍州

丁丑奉熹宗慈皇帝神主於慈寧宮

己卯戶科給事中鍾炆言熊明遇黃龍光徐良彥鄒維璉鄧
漢等誣誑破家今日沒者宜贈廢戍者宜冠帶廢者宜起用
如北城兵馬指揮彭大科以不往賀賜第上梁推工部主事

竟調景東府佐棄去雖乙榜亦不可轉也

辛巳味爽陝西天赤如血射牖隙皆赤

壬午虜入大安口尋遁

勅倉漕大臣通惠河司官各先期浚河毋阻運從巡倉御史
李遵之言

重修光宗皇帝實錄成

刑部侍郎黃兆元卒

太監崔文昇下獄戍南京

御史張三謨言今日群臣半事魏忠賢媚崔呈秀之流盡伏
之鼠忌明靈場之鬼宜夜其心固不欲世界光明也此輩反

覆布置必欲使楊左不為忠臣鄒趙盡為邪黨意原被魏忠
賢厭薄斥去者本屬黨類可急引為同調至會題奏處者可
歸罪忠賢已耳獨首被摧折之徒皆彼合謀并力以攻之而
言猶在耳諸臣若來邪正難掩不得不幸王安為對案借李
三才為葛藤尚恐聖意猶疑遂言澄汰已清紛囂可禁徒見
其張皇太甚愈增狼狽矣夫自逆璫發難名役用諸人實諸
人陰用逆璫人各用之以報怨爭羅今禁錮往日諸臣索垢
尋癥謂不可用執一定之案據相尋之轍永忠於魏崔豈不
悖哉

故右都御史鄒元標高攀龍左副都御史楊漣左僉都御史

左光斗出部尚書馮從吾應天巡撫右僉都御史周起元給事中吳國華魏大中太僕寺少卿周朝瑞御史吳裕中周宗建黃尊素李應昇夏之令袁化中吏部員外郎周順昌工部郎中萬燦吏部郎中蘇繼歐左諭德繆昌期檢討丁乾學陝西按察副使顧天章揚州知府劉鐸刑部員外郎張汶各贈廕有差

前大李士方從哲卒德清人籍錦衣衛萬曆癸未進士贈太師謚文正廕尚寶司丞
癸未戶科給事中張詠詔荐廢籍諸臣陸文獻鄭以偉熊明遇李邦華徐良彥易應昌熊德陽李日宣黃龍光熊化耶維

璉徐大相樊尚燦溫國奇練國事沈萃楨申用懋劉永基吳默姚希孟錢謙益王志堅劉錫玄陸康援未刺黃運泰董懋中

甲申四川道御史吳煥劾太監崔文昇及曹欽程等罪命下法司

乙酉南京武選司主事劉如綸言三朝要典史臣斷案多與聖意矛盾上諭要典纂修雖在逆璫竊禍之年實天啟前事史臣如魯楚卿徐紹吉謝啟光朱繼祚楊世芳等被逐幾盡書成絕不加恩書中人品不同議論各異孔子云不以言舉人不以人廢言朕仰承謨烈俯察品流存是言以定君臣父

子之術虛其心以書用舍進退之法本自畫一有何矛盾劉如論妄言姑不問

發帑金五十萬濟陝西軍餉

丙戌揮漢虎墩兔慈殺那木兒台吉

四月壬辰朔癸巳策貢士曹勳等三百五十人賜劉若宰等進士及第出身有差故事廷對三月望日以先帝山陵移其期南京倉庫告匱命撥江西湖廣漕糧濟之

命禮部禱雨

薛三省為南京禮部尚書喻安性為兵部尚書兼右副都御史總督薊遼保定軍務

岷王幹娃薨

丙申黃克績為南京吏部尚書杜士令為南京工部尚書呂圖南為南京戶部右侍郎兼右僉都御史總督糧儲李邦華為工部左侍郎兼右僉都御史總督河道崔爾進為戶部右侍郎督理遼餉巡撫天津楊嗣修為右僉都御史巡撫寧夏

前大學士葉向高卒福清人萬曆癸未進士獨相五年時神廟久不朝章疏多留中向高因事補救神廟心重之天啟初再相邊圉日棘魏忠賢竊政向高欲調劑中外更蔓其禍識者悲之贈大師謚文忠蔭尚寶司丞

吏部尚書房北麓免

命六科進稱頌魏忠賢紅本

庚子兵科都給事中許可徵奏清錦衣詭籍曰申戡獲之規
限懸牌之額清改授之弊嚴漏網之誅防造言害政之漸上
從之

戶科給事中楊時化追論御史石三畏陷張慎言請召慎言
處分三畏報聞

御史高捷言魏忠賢時工部主事楊維中冒右副都御史之
御表曠乙丑進士筮仕八月秩進太常少卿彼何術而速化
若是陝西新舊督臣史永安王之采具疏祠璫今互誣閱其

章奏終不能詳編修吳孔嘉怨同族吳養春甘事遂璫黃山
獻諛流毒卿并乞此五人或斥或劾報可

巡撫河南右僉都御史郭增光免

壬寅御史范復粹言復遼必先守蓋套蓋套必先南北汎口
蓋套抵三岔口風半日西至覺華島一日聲施可張林木森
茂進而管蓋套因進連云海上設伏三岔河進牛莊進如寨
敵至則我歸敵去則我駐而毛文龍之子承祿官都督僉事
宜分兵守汎口咸南衛進迫之勢報聞

癸卯雲南道御史潘士達劾福建巡撫朱一馮緩則擁節急
則鼠竄

南京戶部右侍郎王瑛以按察使數月起點撫歲餘入司
其何解於通聞之罪乎

給事中楊時化顏繼祖各劾李魚星導啟中旨并及李蕃

甲辰南京武選主事劉如綸請郡縣專練御兵

乙巳邊東叅謀都司調以寧上言方略若蓋套若長生島若
鎮江鳳凰山若鴨綠橫江等處皆可出奇為疑伏為犄角而
右屯廣野膏腴之地可只屯又於三空上設十二屯堡遠地
南海北山中土膏腴山林五金之利海有魚鹽之饒地有五
穀林木之產今能效趙充國之屯田管子之鑄山煮海何如
派重額之為又言徒流當議者赦閱實當罰者典贖重則議遣

遼東以實邊塞

御史葉成章言柴炭商人拘送惜薪司之苦清其耗蠹歲可
省十之三裒其虛冒歲可省十之二上是之

丁未左都御史曹思誠免

命正一真人張顯庸禱雨

濟陽衛指揮卓銘乞開採奪俸

召前大學士韓爌

建州千餘騎至閭陽驛授謾書而去大略謂我鎮撫不能戰
又不肯和是欲用兵而戕民命耳揮首兩適其頭目歸之者
衆令我東西受敵云時建州苦飢欲脅款也

御史李炳上言虎墩兔愁駐牧遠邊素稱款夷今春哈喇惟
諸部乘勝西徂卜石兔欲并得卜酋諸部市賞要挾無厭今
惟有講折與撫賞講折之說揮酋以下初賞額數萬今數年
來遞加至二十八萬恩不少背一也劉遼撫賞三十八萬宣
府諸部止十八萬大同卜酋止十一萬多寡相懸奈何舍多
而就少二也卜酋願分以與猛酋猛酋不可以分卜酋三也
揮酋分兵同攻不惟自絕於天朝亦自輕其部落四也宜明
布文告抑其桀驁之志至於撫賞在遼左諸虜如揮酋虎墩
兔愁歲十二萬揮漢下小反青歲二萬六千有奇拱兔二枝
歲一萬六千五百有奇哈喇慎歲二萬七千二百餘又有色

令等部零費金既多為建州所吞則此七部之賞宜酌歲額
以賞揮酋如揮酋欲得王號以雄於諸虜則如順義王例奈
何致其渝盟要挾哉命行之時虎墩兔於寧府塞外張家口
十里聲言欲得卜石兔市賞詒之使詣陽和講警初犯殺胡
堡叅將孟吉計卻之

御史郁成治言湯名之典聞有明旨該部十年不覆得母子
孫式微不能載贖而先容於當事予以私害公莫此為甚乞
諫部速覆以俟聖裁上是之

癸丑琉球國世子尚豐入貢

存問前南京戶部尚書林學曾

孔貞運為少詹事

甲寅冊貴妃田氏淑妃袁氏

議自錦州右屯廣寧至空河築城

丙辰侍講倪元璐上言三朝要典成於逆豎其書當速毀請
詳其說當事起議吳盈廷互訟主挺擊者力護東宮爭挺擊
者計安神祖主紅丸者伏羲之言爭紅丸者原情之論主移
宮者弭變於机先爭移宮者持平於事後六者各有其是不
可偏非以為忠悃則皆忠悃以為明見則皆明見總在逆璫
未用之先群小未升之日雖甚水火不害頃荒此一局也既
而楊漣二十四罪之疏發魏廣微此輩門戶之說與於是逆

璫殺人則借三案群小求富貴則又借三案經此三借而三
案之面目全非矣故凡推慈歸孝於先皇正其頌德稱功於
義父批根今日則衆正之黨碑免死他年即上公之鉄券由
此而觀三案者天下之共議要典者魏氏之私書以臣所見
惟毀之而已假閣監之權役史臣之筆亘古未聞當毀一未
易代而有編年不直書而加論斷若云規模大典則魏忠賢
欲與肅皇帝爭權悖逆非倫當毀二矯誣先帝偽撰宸篇既
不可比司馬光資治通鑑之書亦不得援宋神宗手序為例
假竊誣妄當毀三願將三朝要典鈔板毀焚命閣臣開館纂
修天啟實錄編纂信史則廓然蕩平矣上以已有實錄不必

復增要典命禮部會同館諸臣詳議具奏

戶科給事中瞿式耜上言挺擊事贈卹劉光復而于其之實
斬之不平者一紅丸事孫慎行尚推敲啟事而李可灼先登
訪冊儼然典廢棄諸賢並列不平者二移宮一案楊漣左光
斗一時激烈未始非杜漸防微今必欲為連罪案何居乎東
平者三封疆為重熊廷弼梟首西市而楊鎬王化貞竟逍遙
福堂不平者四楊左與王安初非有交結之情乃今動以王
楊魏崔為對案不平者五宰相為諸大臣之綱造毒之魏廣
微遂殺之顧秉謙媚璫取厭之馮銓璫敗彌縫之黃立極顧
竊恩綸擁富貴不平者六

庚申檢討李明睿言要典會議存毀曰毀則誠宜毀曰存亦
何必不存，而後皇上之放殛所遺者可盡得其所是不至
稽誅於極辨之朝皇上之所側席而求者可盡得其所非不
必更勞乎夢卜報聞

建州以二萬騎經廣寧西助揅漢

協理京營戎政兵部尚書霍維華請營軍盡日而操非日加
銀三分不可其月糧一石宜定某倉專領營馬原額二萬一
千二百餘匹每匹月支芻豈銀八錢六分不若精選萬匹餘
歸太僕寺變價貯庫可省料萬餘金將選鋒二萬人分兩班
日加銀三分常操命行之

五月辛酉朔侍講孫之傑言要典夫不可毀泣訴於朝命廷議
吳自勉爲鎮西將軍總兵鎮守延綏王承恩爲總兵鎮守臨
洮

癸亥時兵部推戎政尚書霍維華署督師事代王之臣給事
中顏繼祖上言以維華行而速之臣之去是欲庇之臣也以
維華署事而緩袁崇煥之來是不欲用崇煥也維華徒人璫
熾則借璫之敗則攻璫擊楊左者維華也楊左遠而陽爲救
者亦維華也以刑科給事中倏而尚書官保無叙不及有資
必加乞立行褫革以儆官邪遂罷維華行邊命王之臣不得
移鎮

左副都御史楊所修開任御史田景新削籍以給事中張國
維論其獻媚邪黨也

丙寅太僕寺少卿楊維垣削籍御史鄒胤祚劾維垣爲逆璫
私人占氣最先轉身最捷貪天爲功賣名市重亟宜處分故
有是命

丁卯王永光爲吏部尚書進太子太傅

戶科右給事中黃承昊上言撫勦之局互計屯田之行宜力
鼓鑄之利病宜講加派之額徵宜均織造之錢糧宜問上善
之

巳巳毀三朝要典

協理京營戎政兵部尚書霍維華免明年遣戍

朶顏衛酋東不的即長昂孫三十六家同伯顏阿亥等部與

揅漢虎墩兔懃戰於敖木林揅漢失利殺傷萬餘人

大孝士李國權致仕進少傅詹尚寶司丞賜金幣廩役行人

護行喬允升為刑部尚書陸文猷洪如鍾為右副都御史巡

撫江西湖廣楊廷程梅之煥為右僉都御史巡撫廣西甘肅

庚午侍講孫之獬免御史吳煥劾其對君無禮拜疏不曰進

呈而日投入上以回籍不問

召曹於汴為左都御史鄭三俊為南京戶部尚書李邦華為

兵部左侍郎協理戎政

辛未巡撫大同右僉都御史張翼明免言官劾其附墮躐進
也

光祿寺卿阮大鍼免大鍼英左光斗同里有隙天啟甲子吏

科都給事中闕宜補大鍼而魏大中得之後左魏被劾出大

鍼意至是御史毛羽健劾其黨邪追論削籍

戶部左侍郎徐紹吉免前御史張綱削籍御史馮如蛟劾紹

吉在諫垣時黨附喬應申攻國本諸臣丁巳筦察除正類殆

盡又魏忠賢專權又使其姻家張綱首叅鄒元標馮從吾輩

釁自此起同崔魏謀創要典把持唱故有是命明年紹吉

削籍張綱遣戍

御史王相說奏民窮在有司弊四曰火耗之侵尅曰濫罰之
罰贖曰代折之打劫曰佐領之橫噬在地方弊四曰田糧之
隱冒曰強賊之擾害曰豪右之欺凌曰游惰之冗食在衙門
弊四曰庫藏之侵漁曰徵解之扣除曰倉派之騷擾曰儀文
之借取在功令弊四曰加派之積欠曰雜稅之保奸曰防察
之赫詐曰查盤之罪名凡此之弊總竭民膏血而除此之弊
則惟巡方能行之其要在選擇賢令而已上善之
揮漢宰生等至宣府新平堡脅賞初約五十騎倏踰數百恭
將方裕昆誘入甕城殲之自焚關將軍廟拆墻數仞委虜以
自解

巡撫登萊右副都御史孫國楨言內官王國興拔到海上稱
密旨召毛文龍踪跡詭秘上謂初撤鎮使未嘗輕遣內臣命
逮國興下獄論死

海盜鄭芝龍掠福浙海上御史戴栢言要地宜防奸民宜絕
私舡宜革禁軍餉宜清保甲宜申鄉兵宜練章下所司

御史袁弘勳劾太李士劉鴻訓一到黃扉岸然自命兇鋒殺
氣揚々眉宇同僚拱避決旬之間革職閑住引退無虛日也
此果皇上之內降乎最可異者楊所修賈繼春楊維垣夾攻
表裡之奸有功無罪而誅鋤禁錮自三臣始且詆其奉使朝
鮮貂裘滿載又錦衣衛南鎮撫司發書張道濬亦訐攻鴻訓

甲戌裁各部添註官

太僕寺少卿李蕃免御史王之朝劾其督李時建祠也初札科給事中李恒茂御史李魯生李蕃號三李謠曰官要起問三李

乙亥御史曹暹劾太孝士來宗道不問時楊景辰被劾亦不問

丁丑工科給事中顏繼祖言劉鴻訓先朝削奪朝鮮一役弁壞僅以身免乞諭鴻訓入直共籌安攘之策至袁弘勳之借題抽身張道濟之出位亂政非重創未有已也上是之

左僉都御史賈繼春免天啟初繼春在臺爭移宮忤楊漣左光斗削籍楊左去中旨復繼春御史上嗣位踰月繼春督李

南畿馳疏劾忠賢怙权流毒狀累遷內臺給事中劉新球劾其变幻巧詐明年削籍

戊寅御史史堇高捷俱劾劉鴻訓得罪

己卯編修倪元璐追論前大孝士顧秉謙等媚璫以去輔不問

田珍程註為大理寺右少卿田仰為太僕寺卿

發帑金五十萬餉遼

西虜犯延綏總兵杜文煥拒卻之

壬午南京戶部尚書張樸免

癸未工部尚書劉廷元免御史任贊化劾其御史時挺擊一

案主風癩之說也

前刑部尚書薛貞削籍

主客司員外郎游王廷言自遼陽加派以來催科甚亟不肖有司勒欠耗民奈何不窮請嚴禁之章下所司

甲申御史吳玉叅太常寺少卿趙吳邦逆黨

上召諸臣於平臺諭輔臣來宗道等曰票擬之事須悉心商確諭吏部曰起廢事重會推宜慎責戶部帑金零星邊餉措辦無術侍郎王家楨引罪諭兵部邊事尚書王在晉語未詳命內使授筆札錄進諭刑部天早用法務效先朝平允已出故給事中毛士龍辨疏問果枉否俱曰士龍事屬風影望寬

之各項首退

乙酉諭吏戶兵三部曰昨召對九卿科道等官輔臣劉鴻訓奏官員更調甚速若不行久任之法終鮮寔效又云海內差繁賦重更不可加派朕竊思之更調速則民受擾官久任則課成功今後藩臬郡邑務擇人地相宜俱如舊制俸期一日未足不許朦轉改調言官荐奪人才不無過私市恩今後吏部以荐疏成冊後聽職債事奉主連坐遼黔兵事未結加派前已不少可將新舊兵餉造簡明冊進呈若有私派即奏處三尺具在斷不爾貸司農繫軍國命脉非清嚴心計之臣豈勝厥任所荐舉自嚴才品兼優即起舉自嚴為戶部尚書李

長庚為工部尚書孫居相為戶部左侍郎督理京省錢法
明遇兵部右侍郎賈毓祥左副都御史楊鶴為左僉都御史
張宗衡為右僉都御史巡撫大同

丁亥建州入犯河西高喬朱家窪塔山又圍大興堡誘降人
柔昂見介順不聽晉之見執總兵朱梅砲卻之越數日上設
書求款邊臣不應乃去

張可大為總兵鎮守登萊朱梅為前鋒將軍總兵鎮守寧遠
光祿寺少卿康新民言臣川人也天啟辛酉八月奢寅發難
以底平定時閱七年文武將吏尚未邀半通之論乞下該部
覈功如總督朱爕元御史張論監軍胡平表等亟賜廕擢章下

所司

戊子韓一良補戶科給事中

己丑奪前大李士顧秉謙魏廣微恩廕

揄漢夷目貴英哈為虎墩兔憨婿狡猾善用兵既死新平堡
其妻兀浪哈文帥衆自得勝路入犯洪賜鎮川等堡折牆入
忽報虜至，孤店三十里初不傳烽以王喇嘛僧止戰也急
收保倚北關為營遂圍大同貴英哈妻兀浪哈文主之大營
可五萬騎屯海子灘則虎墩兔也代王禹渭同士民力守知
縣王 搜奸謀二十餘人虜知之分屯四營流掠渾源懷仁桑
乾河王龍洞二百餘里遣人至總督張曉所脅賞曉遣西僧

王哈嘛往諭時苦旱乏水草援兵漸集乃退冀北道副使李
貞宁借帑金千八百有奇勞軍左衛城守後共補削籍

熊明遇曰諸邊積弊先以虜犯某處入塘報隨出墻夜襲
虜斬正濃割斷帳索如罩魚射斫交加立時割級土馬馳
歸若侵明別部未救則無幸矣王威寧越沿路設伏斬八
百級於威寧海子封伯以此後人踵襲此錦衣沿世之所
以累也田樂斤松山不為無功然以燒酒醉市夷閉門
室中盡殺之以堵截聞食報在田爾耕王象乾間用之然
多買虜使去隨以扞邊功加廕賞家藏金銀不賞然盡為
孔有德所擄崇禎初掉首大入雲中殺吏民萬計亦由新

平堡夜燒殺講事夷貴英等百餘人叅將撫將盡死西市
矣可畏哉然猶曰殺者虜也至殺路人發塚中新死人顛
以盈功數是何忍耶劉大將軍緹曾為余言南蠻功更固
甚至有修功匪能改婦人屍作男形者而匪以修工名可
笑亦可恨也然虜一級賞五十金百一十級為大捷文武
皆廕錦衣卽抄報功必百一十級若有定限然者事理明
甚

廣寧兵截建人西走建人退

西安府城夜墜火數十大如礮次如斗時出入民舍各樣之
而不為害七月止

六月庚寅朔虜犯大同山陰知縣劉以南禦卻之

奪前工部尚書孫杰官歷給事中仇維禎劾其邪黨也

辛卯丁字庫火

壬辰礼部尚書孟紹虞致仕賜金幣

癸巳揀漢虎墩兔懸出塞

兵部左侍郎郭擊右副都御史張素養巡撫江西右副都御史陸文獻並免言官各劾其附墮也

工科給事中劉安行巡視太倉銀庫奏預支官俸之弊積侵三十六萬命安行同戶部清覈限旬日奏上

乙未上召廷臣於平臺問揄酋若何來宗道曰虜出口近已

少寬因許發帑十萬戶部左侍郎王家楨曰已解去八萬金上責家楨不為預借又以刑科都給事中薛國觀疏營伍之弊令自宣讀至關門虛冒上善之復示諸臣召兵部問揄酋狀王在晉對揄酋已退上問何以即退劉鴻訓曰寇志流掠預兵堅城之下知其不久上是之召提督京營保定侯梁世勳諭以訓練諭科道以民為邦本復出御批文冊令徧閱以陳洪範為南京右軍都督府僉書

尚宝司丞李日華言與文教四事曰代言詞臣口代天言何如鄭重獎許之中微含訓誡近編緝諛詞務極駢麗甚有曲搜微美代祝壽棋王言之褻甚矣曰進言神祖久御厭壽臣

下器浮章奏聞置攻訐記譴概賜容覆今則寧以俱經磨
安得不擇一慢侮者示創懲乎曰法言部院諸司歲委屬官
一員專理條例遇有更張隨時酌定曰立言令郡國各寺著
儒將郡邑山川形勝戶口人物畜產田畝編輯成帙類送李
臣申達札部為纂修天下圖經張本章下所司

命翰林官凡值召對入侍記注
太僕寺卿田仰上言寺馬專給國營騎操自種馬廢而攻俵
馬俵馬起而分本折色已非立法初意自行太僕寺廢苑馬
寺廢各邊皆仰給於臣寺而馬制蕩然矣近歲入馬價不過
四十五萬二百餘金皇上不時賞賚不預焉今各省直連負

數多乞責成撫按勒限完解摘其尤者題奏一二從之

以麻登雲為將軍總兵鎮守山海關楊嘉謨為平羌將軍總
兵鎮守甘肅七世祿為征西將軍總兵鎮守寧夏祖大壽為
征虜前將軍總兵鎮守遼東

丙申前戶部尚書黃運泰兵部尚書閻鳴泰吏部尚書周應
秋並削籍以御史梁子璠劾其媚璫也

丁酉以何如罷為札部尚書胡應台為南京兵部尚書武之
望為右都御史兼兵部右侍郎總督陝西三邊軍務李若星
為工部右侍郎兼右僉都御史總理河道田仰為右副都御
史巡撫四川魏紹乘為右僉都御史巡撫江西

太僕寺卿郭興治削籍御史徐尚勳劾其婚奸也

大孝士楊景辰罷議者以預修興典故也

御史郁成治請復京官肩輿上以科道官絃乘肩輿經革今

又隱其名竹堯謫典史

時彙顏三衛頭目束不的與虎墩憨構兵總督張鳳翼檄諭

之曰爾始祖都督完者帖木兒以來世效忠順揮漢奪爾巢

穴爾聚兵報復然爾六十六家力弱又合順義王乃濟今聞

欲興建州合兵彼貪詐無信何自投陷窰也

命祭廠衛寃斃者於京師祈雨壇

戊戌工科給事中顏繼祖以缺額請元年五月以前凡加納

准貢通判運判各倍納即註見闕不許

己亥征南將軍鎮守雲南黔國公沐啟元卒子天波嗣

庚子侍講徐時泰免

辛丑錦衣衛指揮使許顯純伏誅

壬寅大孝士錢龍錫入朝

駙馬都尉鞏永固尚樂安長公主礼部主事陳鍾盛言永固

年餘未婚非制也命擇日成婚越數月閨媪仍隔絕如故鍾

盛復以聞上怒其褻降二級調外送永固太孝演礼三月

揮漢虎墩兔憨欲講賞得勝口上以得勝口無險可恃狡謀巨

測勿許時上銳精邊事欲矯弊更轍以市賞日壞徒耗金錢

黎軍實因卜素沒華其賞雖邊臣屢為揄漢請勿先也

談遷曰胡部合則強分則弱揄漢以元裔國初嘗遣使聘
問今處其衰再世不貢而順義王逃敗之餘獨虎墩兔為
勁力能扼建州漢不離烏孫匈奴乎且卜素虧賈者八年
借以靡之裨不與建州合亦伐交之道也我拒之堅彼計
求一逞勢必合建州寧有餘力以兩制之哉事有似正而
失之謬者揄議是也

乙巳前大李士馮銓削

故貴陽府同知嘉尹王胤昌加贈光祿寺卿

談遷曰王氏城陷後疾沒民舍其事與慷慨赴義遠矣惟

蓋之恤稍優以一階其息已溷蒙廕金吾出秩加等不已
過乎季世而下勸忠之典遂開濫竇被之不足為榮如王
氏者未易一二數也

司礼太監王敏政有罪免降田維章奉御

夜月食

丙午予礼部尚書翁正春祭墓侯官人萬曆己卯鄉舉任尤
溪教諭壬辰南宮廷對第一授修撰累官礼部尚書方毅嚴
重不妄言笑朝端式其風采

大李士周道登言三事守祖制東虛公責寔效上是之

丁未議招海盜鄭芝龍芝龍本同安窰人子流入島夷主

女妻之一日擊舟亡婦無賴蟻附求返內地軍師細其生是
約遂寇掠海上

已酉誅前提督巡捕營都督張休乾恭將谷應選

起朱燮元為兵部尚書兼右都御史總督貴州四川湖廣雲
南廣西軍務兼督糧餉移駐貴竹燮元至黔上言黔中山林
深阻苗夷錯處惟一適徑通逆苗標勇嗜殺當示以必戰師
已踰險如鼠鬪穴中將勇者勝若專在拊循至秋水涸寇必
大至士不得解甲者八年于茲矣計不素定者首尾衝決爵秩太
易則衆志競將領太多則號令禁此前鑒之最明也如臣愚
策據險要立營壘飭兵馬練戰士以待其至坐得致敵之術

曩者諸將校坐糜廩食無以塞責竊取小功以自矜此無益
邊計所殺或係他種或掩僂降入報功失喪夷心違聖朝柔
遠之義今大兵所誅叛逆了然環黔皆苗安能盡殺御以威
信皆良民也六衛腴田非此誰為耕者若殺不當罪是迫之
歸賊而自樹敵也臣當使肘腋安定寧伍克實現蒙而動用
竒迭出期於滅賊不敢優游以稽天誅上是之

朱燮元檄雲南兵下烏撒杜安邊耶溪路四川兵出永寧抵
赤水扼四夷要害而親率兵出六廣徧大方鬼師莫德說邦
彥曰安邊在烏撒滇人不敢南下赤水之兵牽制我後我當
先破之取永寧以昇奢氏取建武六縣以昇法舍然後挾烏

鎮以臨邊義并黔及漢大事可圖也邦步從之以步費等所
六廣烏迷等防邊義阿詐法等守鴨池三岔各自號元帥而
邦彥號四夷大長老崇明稱大梁王

戶部左侍郎王家楨言各省共通八百萬有奇命趣之
戶科右給事中黃承吳言祖宗朝邊餉止四十九萬三千八
十八兩神祖時至二百八十五萬五千九百餘先帝時至三
百五十三萬七千七百餘其他京支雜項萬曆間歲放不過
三十四萬一千六百餘迨來至六十八萬二千五百餘今
出數共五百餘萬而歲入不過三百二十萬即登其數已
少百五六十萬况外解節大定計歲入僅二百萬耳戊卒安

能無脫巾而司農安得不仰屋乎乞勅各邊督撫清數歷年
增餉至京支雜項勅各衙門各自嚴汰又先臣葉淇變鹽法
改折色輸部邊粟貴則銀錢必復祖制開中輸邊之法或先
行於一邊次第行之九邊十年盡復其故西北多曠土責有
司開荒以足軍餉上納之下戶部即行

辛亥申用懋為兵部左侍郎

選庶吉士周鳳翔等三十人以禮部右侍郎葉燦羅喻義教
習庶吉士

建人侵錦州陷駱駝大吳等堡

壬子諭閣臣曰朕覽御史顧其國奏騷擾累民莫甚於驛邊